

# QUÆSTIO MEDICA.

QUODLIBETARIIS DISPUTATIONIBUS  
manè discutienda in Scholis Medicorum die Jovis  
23. Decembris.

M. CLAUDIO DE FRADES, Doctore  
Medico, Præsede.

*An Senum febribus intermittentibus curandis blandiora purgantia?*

I.

**Æ**TATIS senilis, suspenso & tacito venientis gradu, Ars præ-  
ses salutis humanæ potissimum curam suscipit; huic, quæ  
profunt ad duram ejus miseriam sustentandam, subministra-  
ri; quæ impendunt noxia, circumspici & procul arceri; quæ plurimis  
affectibus, quibus est exposita, sanandis, subsidio venire possunt, in  
usum adhiberi constituit: eâ enim ætate provectum, si corpore debi-  
lem & infirmum Natura voluerit, hunc tamen majestate plenum, ani-  
mi viribus præstantem, autoritate & prudentiâ, ut maximâ sene-  
ctutis dote conspicuum, ad gravissima quæque munera reipublicæ ge-  
renda destinavit, in hoc Juniore sapientiore, quod tum animi moti-  
bus sit liberior, minusque suæ mancipatus libidini, tum ob præclarum  
rationis munus nunquam divinius, & experientiam rerum magistram  
*παλαιὰ τε πολλὰ τε εἰδὼς*, minus erroribus sit obnoxius: atque, ut ef-  
se phœbi dulcius lumen solet jamjam cadentis, & quemadmodum ar-  
bos annosa palato gratiores fructus producit, sic quoque Senex in se-  
ris annis factus melior, suum & perfectum bonum tunc in lucem profer-  
rat. Verum, si homo est bulla, quantò magis Senex, qui, præter  
ætatis injuriam, febribus præterea opportunus est, quarum flammæ  
extinguere hoc opus hic labor est; iis curandis ætas hæc ingravescent  
aptiora & tutiora medicamenta postulat, cui illa sæpè non conducunt  
ex auxiliorum manu deprompta atque mutuata, quorum vim & im-  
petum florens ætas, calore vigore robore laudanda, faciliè posset & uti-  
liter sustinere.

**F**EBRIS, communis lues, cujus latè patet imperium, est in temperies calida cordis, cum quo totius corporis partes consentiunt, æstuant, & in suo turbantur officio: hostili modo sævit in Principes non minus quam in infimos, nec Senum immemor, licet ob propè jam excursum vitæ spacium, maturo sint propiores funeri, eos etiam miserabiliter macerat: huic litare tanquam Divæ tanquam Sacræ Romanorum more, quid aliud est quam perverso Dæmoni sacræ facere, qui vitæ parat insidias, hanc execrari magis quam consecrare decebat, quæ nempe solet arcem vitæ circumvenire, in qua tanquam in proprio domicilio stationem locat, non ut tuteur & servet, sed ut vastet & destruat. Fallitur, qui calorem febrilem diversum esse specie à nativo contendit; & licet is naturæ amicus sit & familiaris, servator & vitæ sospes, febrilis vero infensus & exitiosus, consumptor; unus tamen idemque calor est, qui diversa præstat munia, intentione solâ distinctus, dum à temperato in intemperatum seu igneum & peregrinum vertitur. Futilis est & vana hujus cogitatio, qui statuit & censet febrem nequaquam esse calorem, quod hujus aliquando frigus sit comes, quem ita opinantem æstus immodicus febricitantium, pulsus frequentia, difficilis spiritus, arens sitis, urinæ flammeæ, linguæ siccitas & scabrities, fuligo qua inficitur, ignis præsentia non convincunt, hujus incendio jure mulcandus, sicut reputandus est jovis irâ dignus, qui fulmen non esse igneum pronuntiaret, quod sæpius grandine stipatum è cælo prorumpat.

## III.

**Q**UÆVIS febris intermittens, quæ ferè omnis est secunda periculi, ortum ducit ab humoribus qui in visceribus nutritiis primam labem contraxerunt, ita ut vix citra ventriculi ejusque orificii noxam quotidianas fieri constet, ut vix sine lienis malè habentis vitio, quartanas, nec sine aliqua jecoris offensione tertianas unquam existere; à quibus partibus tanquam focus primariis, in mesenterium, omentum, pancreas, ut communes & publicas sedes, excipiendis earum partium colluvionibus dicatas, humor putredinis vitio labefactus confluit cumulatque, qui tum earum venulis contentus conclususque, & arctioribus velut cancellis circumseptus, tum etiam extra venas prope ventriculum, hepatis cava, lienem, & alias partes vicinas dispersus collectusque, fumos ejusdem indolis defert ad cor, cui flammeam hanc dispositionem inurit: vitiosus is humor pro suo more & ingenio speciem febris intermittentis creat & designat, quæ quamvis omnino desinat in *ἀνρυεξία* seu integritatem, & aliquid solatii per illud intermissionis intervallum æger percipiat, nova tamen de

3  
novo cum redivivo fomite seges, vel superstiti succrescens, novam accessionem producit; quæ non antè cessat, quam in suo foco fuerit absumpta, aut expurgata tum per sudores, tum per spontaneam naturæ evacuationem, aut Medici operâ subsidiariâ procuratam, qui, ut hujus operum æmulus impiger, temperatam præparatam & excoctam materiam febrilem purgantium idoneorum beneficio foras eliminare tentat.

#### IV.

**P**URGANTIA pharmaca ea sunt quæ agendo substantiam nostram immutare perhibentur. An ignis chymici operâ puriora evadant & à fecibus purgatoria, non immeritò cadit in controversiam? Nec enim levis est suspicio, ea potius hac arte instrui pulchrè ad perniciem: quæ desumuntur à plantis, ut magis cocta & elaborata, atque ob vitam communem, majorem nobiscum habentia cognationem, præponenda iis, quæ à mineralibus, hæc quippè in purgantium familiam jure antè injuria irrepsērunt: omnia participant aliquid perniciosæ facultatis, facessunt naturæ negotium, & vi sceribus maximèque ventriculo sunt infesta; eorum quoque hæc est insita vis & vernacula, ut humores trahant expurgandos, & cum habeant adjunctam acrimoniam seu *ερεθισμὸν*, hujus dotis beneficio, proleptos & sibi copii vel facultate molestos, exoneratæ partes ejiciunt susque deque. Duplicis sunt ordinis, alia blandiora, alia vero vehementiora: hæc eximio quo polleant calore & virtute, humores & spiritus acrius accendunt, concitatiùs movent; graviùs turbant, corporis vim penè omnem frangunt & diruunt, terrendaque symptomata afflicti nativi caloris argumenta creberrimè invehunt; illa nihilominùs cedunt in usum, & appositè rectèque præscribuntur à Medico artis suæ perito, qui seriò inspicit & observat temperamentum, ætatem, sexum, occasionem ut curationis animam, aliasque indicationes, non ab eo qui Medici personam mentitur, & cui convenit nomen agyræ & circumforanei, hic etenim mētis rerum naturæ satagit, ejusque motuura prorsus ignarus; *ἀγλαΐας* & temerè nimis, ea medicamenta laborantibus obtrudit, eventum omnem casui fortunæque tribuens, & plus satis audax atque inhumanus porrigit aliis, quæ sibi consulens nec citra terrorem vellet usurpare, cum tamen audacia sit seu fortitudo in proprio periculo non terri, in alieno vero timere, humanitas.

#### V.

**P**ARUM attentus est ad salutem Senum, qui valida & effrenata purgantia eorum febribus intermittentibus curandis promiscuè præscribit; iis nulla fides, horum impetus natura senilis delicatula & effœta ferre recusat, quibus agitata, ad instar caducæ & rui-

noſæ domus inſtaurando fortè concuſſæ mox tota corrueret , ipſius opibus ob ætatis vitium admodum proſtratis : tractari molliùs ætas imbecilla cupit , & potiores hujus officii partes jure veniunt deferendæ blandioribus , quæ benigni ſucci & viſceribus magis amici & ſalutaris aliquid in ſe continent , & ad alimentorum naturam propius accedunt , quæ leniter & abſque periculo notabilique virium diſpendio purgant , privata inſuper calore colliquante minus vorace & deprædante ; inſinuant ſeſe & intrudunt facilius in abſtruſiores partium reſceſſus , in quibus fons eſt & minera earumce februm , quarum parentem materiam febrilem , non tenuem dumtaxat & ad fluendum aptiorem , ſed craſſam ſimul lentam & tenacem , obſtructionum contumaciam & diuturnitatis morborum authorem invadunt , ac benè penitus ſubeunt & diluunt , quæ beneficio coctionis prius reddita tractabilior , ſequitur vim blandam medicamenti purgantis : ſic hujus fomitis accedente ruinâ , ac ſubductò febris pabulo , natura non amplius impedita ad ſanitatem priſtinam revertitur , adeo ut in præcavendis effrenatis purgantibus , ſumma Medentis ſplendeſcat induſtria , in uſurpandis blandioribus , Senis febrientis ſalus , altos quaſi prætervertæ ſcopulos , ſecurior conſtet.

*Ergo Senum febribus intermittentibus curandis blandiora purgantia.*

### Domini Doctores diſputaturi.

M. Petrus Lombard.  
M. Philippus Mathon.  
M. Raimundus Finot.

M. Robertus Raoul.  
M. Matthæus Thuillier.  
M. Joannes Baptiſta Ferrand.

M. Joannes de Bourges.  
M. Michaël de la Vigne.  
M. Petrus Perrean.

Proponebat Pariſiis JOANNES DAVAL , Augæus  
Baccalaureus Medicus. A. R. S. H. 1683.

---

Apud Franciſcum Muguet , Regis & Facultatis Medicinæ  
Typographum.